

07. september 2020

Inatsisartut Suleriusaanni § 37 immikkoortoq 1 naapertorlugu Naalackersuisunut apeqquut imaattoq matumuuna saqqummiuppara:

Naalackersuisunut apeqquutit:

1. Naalackersuisut akuersaaginnarneqarsinnaasutut isigaat Illorsuarmit nunagisartik qimallugu qimarngunneqarsimanerisa attatiinnarnissaat, naak qangamut sanilliullugu nunaqarfiup isumannaassusaa allannorsimannngikkaluartoq?
2. Naalackersuisut pilersaaruteqarpat Illorsuarmit nunagisaminnut utersinnaanerat?
 - a. Taamaappat qaqugu qanorlu tamanna pilersaarutigineqarpa?
3. Naalackersuisut qanoq iliuseqarniarpat Illorsuarmit nunaqarfimminnut uterunik toqqissisimanakannersumik inuusinnaanerat qulakkeerniarlugu?
4. Naalackersuisut pisortani suliffeqarfiit taakkulu sulisuisa Illorsuarnut uternissaannut periarfissat eqqarsaatigalugit qanoq pingaarnersiuniarpat?
5. Illorsuarmit innuttaasut nunaqarfimminnut angerlarsimaffimminnullu aporfissaqanngitsumik utersinnaanerat inatsisitigut aporfissaqarpa?
 - a. Taamaappat qanoq?
6. Innuttaasut namminerisamik toqqaallutik aporfissalersorneqarnatillu angerlarsinnaapata, taava Naalackersuisut Illorsuarmit angerlarnissaat qanoq aqqissuunniarpat?
7. Qanoq sukkatigisumik Illorsuarmit angerlarsinnaanerat pisinnaava?

Tungavilersuutit:

Illorsuarmit innuttaasut angerlarsinnaanerat pillugu.

Maannakkut ukiut pingasunngoreerput Karrat Kangerluanni ajunaarnersuaqarmat, tassanilu Nuugaatsiap ilarujussua tassaarsuarmit tiguneqarpoq.

Illorsuarmit innuttaasut Nuugaatsiarmit qimagussuunneqarnerisa kingorna mianersornissaq anguniarlugu qimarngunneqarput. Maannakkut 2020-mi aggustimiippugut, sulilu Illorsuarmit ilisimannngilaat qaqugu nunaqarfimminnut angerlarsinnaanerlutik.

Nunatta Qitornai

Inatsisartuni



Illorsuarni innuttaasut angerlarsimaffimminiittut suut tamarmik qimappaat, taavalu Uummannami, Ukkusissani allanilu inigigallartinneqartunut innersuunneqarsimallutik. Mianersornissaq paasinarpoq innuttaasut isumannaallisaaffigalugit paarineqartariaqarmata.

Taamaattoq attanneqarsinnaangilaq innuttaasut nunaqarfigisaminnut uternissaat ineqquteqqutigalugu. Innuttaasut ilaasa pisinnaatitaaffimminnik mattunneqarnerat akuersaarneqarsinnaangilaq.

Naalackersuisut apeqqutigisama akineqarnissaannut ullut suliffiusut qulit iluanni akinissaat kissaati-gaara.

Inussiarnersumik inuulluaqqusillunga

Aleqa Hammond
Inatsisartunut ilaasortaq